

Htawm tem' Petru' ok' keuhti

¹ Htawm ti ok' aen' na ko', meuh ui' Petru'
meuh peue caee Eun Yesu' Hkrit,

ui' tem' ri tuil' a ri peue Peucawo' leuk Eun
ri uin' na' pe'. Meuh pe' peue taic' jah hk'uih
heul' meuh seudes' ut' nang kuing' Pontas',
kuing' Galati', kuing' Kapadosia, kuing' Asa'
maee' kuing' Beti' ni' na'. ² Punta kaw pe'
leuceng ri ti Yesu' Hkrit Eun maee' nham' Eun
na' kaw a rawt' pe' na', Kuiing' Peucawo' Eun
leuk ri ti pe' ri saic' pe' seunga' chak' ri Cit'
seunga' na' hawc' seun' yawng Eun ri uin' a
na'.

Kah mun' sin' maee' hk'a' kuit nyawk' kuit
sam' ran cumyen' na' kue' ri pe' htonnuk reu'.

Vang keutui' hpum' cot'cu

³ Suk'seun' Peucawo' Kuiing' Eun Cawo'
Yesu' Hkrit e' na' Eun. Kopti meuh a hk'a'
tukyak keuting Eun na', Eun yeuh e' tang keut'
hk'u', kah e' lec hk'a' naee vang keutui' hpum'
cot'cu na' ri hk'a' tang kuh' im' Eun Yesu'
Hkrit na'. ⁴ Eun kah e' lec hk'a' naee sin' un'
cang lulaic, un' cang seueum' maee' un' cang
rai' ku' rangraen ri uin' ri pun pe' nang kuing'
pang mao' na'. ⁵ Kopti meuh a hk'a' yum' pe'
na', Peucawo' Eun roksa' pe' ri ti'ca ri na' rot

ti pun pe' hk'a' htut lawtpon ku' rangraen ri hawc' kaw pucti glih'gleueng' hk'a' naee seunyi tisut' na'. ⁶ Maet'maen' pe' saec' na' pun ri hkam' ku' tukhka kopti ku' cop'long heun' ceu na' ti cu hkao', pe' ren'kawn nyawk'. ⁷ Ceu nang aen' keut' kue' ka na' meuh a kopti punta kaw a htawhkam kue' pe' hk'a' yum' neumneum na'. Hk'a' yum' neumneum aen' a kawn' ngos heun' hk'ai' hk'il' ku' hk'o' a saec' saic' ri seungawm ri ngawl daecti a kawn' cang lulaic heul' na'. Hk'a' yum' aen' a kaw yeuh pe' pun munhpung', hk'a' suk'seun' maee' tang' ri lhung' keuting na' yam Yesu' Hkrit tang lih Eun na'. ⁸ Pe' saec' na' un' duing nyu Eun, daecti pe' leumeus' Eun. Pe' saec' na' un' nyu Eun maet'maen', daecti pe' yum' Eun. Pe' kue' hk'a' ren'kawn keuting lah' un' laee euc' na' htonnuk. ⁹ Kopti buih rap pe' ri ti hk'a' htut lawtpon ka civit pe' ku' meuh vang keutui' hpum' ka hk'a' yum' pe' na'.

¹⁰ Peue suip leukah' Eun Peucawo' na' sok ce ri caet ri nyu hk'a' htut lawtpon aen' a meulam-lam ri hawc'. Ce meuh nang tawn lah' lawng mun' Eun Peucawo' a kaw lih ri pe' na' ce. ¹¹ Yam Cit' seunga' ut' hk'a' naee ce na' tamnai a ce mhawng' lawng hk'a' tukhka Eun Hkrit na' maee' lawng munhpung' kawn' kaw lih hot' na', lawng aen' a ci' kaw meuh yamnhaw', a ci' kaw meuh yeuh sa'nhaw' na' ce sok ri hot' ri caet a hawc'. ¹² Peucawo' Eun tuh' ce nawk leukah' tamnai ce na' a hkuin' meuh pun ce, daecti a meuh pun pe'. Maet'maen' peue

sangsawn' leukah' mun' ren' kawn na' ris ce pe' mhawng' ceu nang aen' ce ri Cit' seunga' chak' lih neum kuing' pang mao' na' hawc'. Saec' meuh in' hpom na' ce ku sum' yawng ceu nang aen' ce yeut.

Seunga' chak' reu'

¹³ Kop awn' na mhe' hpum' pe' meulamlam ri, yeuh ri cang eut' hpum' ri, keutui' hpum' mun' Eun Peucawo' ku' kaw Eun tuil' a ri pe' yam Yesu' Hkrit na' Eun tang lih na' reu'.

¹⁴ Yeuh ri seun' kon' nyom cang leuceng ri ti na' ce reu'. Pawlaee a'yu im' hot' ku' rai ta' nha' tawn kue' pe' yam a'yu im' pe' yam un' nang yawng pe' na'. ¹⁵ Daecti kah ku' yeuh pe' ku ceu na' seunga' chak' seun' Cawo' klawng pe' na' seunga' chak' Eun na' reu'. ¹⁶ Kopti kue' a ku' tem' ri yeuh keutit', "Kah pe' seunga' chak' reu', kopti seunga' chak' Ui' na'."*

¹⁷ Kopti klawng pe' A'kuiing' Cawo' un' meuh hk'a' mawn' hk'a' maen' taws' a'mu hot' kan' ku' yeuh peue na' Eun, a'yu im' hk'a' naee vang hkopyawm' lhat' ri seun' meuh pe' peue leuvok un' duing nyu ka bhen' keute' na' reu'. ¹⁸ Kopti tup yawng pe' teum' kawm htut Eun pe' lawtpon hk'ai' hk'a' a'yu im' un' kue' mun' ku' suip ri ing' neum a'ta' a'ya pe' na' ce na'. Eun hkuin' htut pe' ri ku' cang lulaic heul' na', u'hpama ri ko' hk'il', a'ko' leumuil. ¹⁹ Daecti htut Eun pe' ri nham' ngos heun' Eun Hkrit meuh Kon' yung' un' laee kue' vang cat vang

* **1:16** 1:16 Faee' 11:44, 45; 19:2; 20:7

ceul' vang ri na'. ²⁰ Peucawo' Eun leuk ri uin' Hkrit Eun tang' neum yam bhen' keute' na' un' nang hpanpleng' a ri, daecti Eun tuil' Hkrit Eun pucti yam tisut' aen' na pun pe'. ²¹ Kopti meuh a Hkrit Eun na' pe' yum' Peucawo' Cawo' yeuh Hkrit Eun tang kuh' im' tuil' munhpung' ri Heun na' Eun. Kop awn' na, hk'a' yum' maee' hk'a' keutui' hpum' pe' na' a kue' hk'a' naee Peucawo' Eun.

²² Punta kaw pe' leumeus' ec' awng' ri na' ce neumneum na', maet' maen' yeuh pe' ri seunga' chak' meun ri leuceng pe' ku' leupaws seumeu' na' hawc'. Kop awn' na, pe' na' leumeus' puri rot tisut' ka hpum' ri na' reu'. ²³ Kopti tang keut' hk'u' pe' hawc', hpaw pe' ca' keut' neum seumal cang lulaic heul' na', daecti keut' pe' neum seumal un' cang lulaic heul' na'. A meuh leukah' Eun Peucawo' ku' a'yu im' maee' ku' keutawn' cot'cu na'. ²⁴ Nang htawm Seunga' na' lah' ka a yeuh keutit',

"Peue ceu na' peue gawm'euc' seun' peue rip ko',
munhpung' ce na' gawm'euc' a seun' peu-
tai nang mal' na'.

Rip na' a fit' hk'oh', peutai na' a rum' hk'uic',
²⁵ daecti leukah' Eun Peucawo' na' a
keutawn' cot'cu ri."[†]
Leukah' aen' a meuh leukah' mun' ren'kawn
sangsawn' pe'.

[†] 1:25 1:25 I'saya' 40:6-8

2

¹ Kop awn' na, hpum' sum' yeuh peue lu, hpum' chi'lai ri hk'a, leukah' seunga' hpum' vok', hkoe'mang' peue mae'e' peusah' nyoe peue na' ku ceu ka, tecla a hk'ai' tu' pe' na' reu'. ² Sum' nyui leuum' pui civit seunga' chak' na' seun' o'ngak kawn' keut' na' ce reu'. Aen' na ko', a kaw yeuh pe' keuting hk'a' naee hk'a' htut lawtpon pe' na'. ³ Maet' maen', pun pe' ri cim hk'a' chak' Eun Peucawo' na' hawc'.

Seumu a'yu im' mae'e' peue pun ri leuk ri ti ri

⁴ Ing' ri Hkrit Eun reu'. Meuh Eun seumu a'yu im'. Peue saec' na' tecla Eun, daecti Peucawo' Eun leuk ri ti Eun. Eun sawn' Eun ngos heun'. ⁵ Saec' pe' ri, pe' kaw seun' seumu a'yu im' na', Peucawo' Eun na' ti ri pleng' pe' meuh nya hk'a' civit na'. Pe' ku na' pun ri meuh peue jhawp' rit seunga' chak', pe' kaw tan ku' tan. Kopti cu pe' Yesu' Hkrit Eun na', ku' tan pe' na' a htuk' hpum' Eun Peucawo'. ⁶ Kopti tem' a ri nang htawm Seunga' na' yeuhki', "Keue' reu', go' Ui' seumu pun ri leuk ri ti ri ti meul' na' nang gong Yi'on na', a meuh seumu ngos heun' nang ce' ka na'. A'nhaw' lawn yum' Eun ko', eun hkuin' kaw duing kaic."*

⁷ Kop awn' na, seumu aen' a ngos heun' pun peue yum' na' pe'. Daecti pun ce peue un' yum' na', seun' tem' a ri nang htawm Seunga' na',

* **2:6** 2:6 I'saya' 28:16

"Seumu peue go' nya na' tec ce hawc' na',
 maet' maen' meuh a seumu ri kleum' nang
 ce' ka na' hawc'. †

⁸ A meuh
 seumu vang seuduih peue ri,
 a yeuh peue htang' meul." ‡

Ce seuduih ri kopti un' leuceng ce leukah' aen'
 na. A hot' seun' ku' Peucawo' tang' Eun ri uin'
 a tang' neum nanggal' na' hawc'.

⁹ Daecti meuh pe' peue Peucawo' leuk Eun
 ri ti. Pe' meuh peue jhawp' rit keuting,
 meuh peue ceu seunga' chak', meuh kon' hk'i
 Eun Peucawo'. Ku' yeuh Eun aen' a meuh
 punta kaw pe' heul' pao' lawng kan' keuting
 Eun na'. Eun klawng pe' pucti hk'ai' vang
 duim' lawng na' ing' lec vang ceng' chak' Eun
 na'. ¹⁰ Nanggal' ka na' un' meuh pe' peue Eun
 Peucawo', daecti maet' maen' pe' meuh peue
 Eun hawc'. Nanggal' ka na' pe' un' pun hk'a'
 tukyak Eun na', daecti maet' maen' pe' pun ri
 rap ri ti hk'a' tukyak Eun na' hawc'.

¹¹ A' mawo leumeus' ui' meuh peue leuvok
 un' duing nyu pang bhen' keute' na' pe',
 hk'o' hk'ang ui' pe' tecla ta' nha' ku' to' tam'
 hk'a' civit pe' na'. ¹² Yam ut' pe' hk'a' naee
 muk ce peue un' yum' Peucawo' Eun na', ce
 saec' na' peusah' nyoe lah' pe' yeuh ku' kleuc'
 na', punta kaw ce nyu ku' chak' yeuh pe' na'
 maee' kaw ce tuil' munhpung' ri Peucawo' Eun
 seunyi yam kaw Eun tang lih ri e' na', a'yu im'
 hot' hk'a' chak' na' reu'.

† 2:7 2:7 Suk'seun' 118:22 ‡ 2:8 2:8 I'saya' 8:14

Leuceng leukah' ce cawo' u'peung pe' na'

¹³ Kopti meuh a Peucawo' Eun, yawm' ri ut' hk'a' ruim vang u'peung ce cawo' ku' leuk peue ri tang' ri uin' na' ce reu'. Ut' hk'a' ruim hkun'haw'hkam' cawo' an'nya keuting hk'ai' peue na' eun. ¹⁴ Saec' meuh cawo' u'peung kuing' ku' hkun'haw'hkam' cus' eun ce lih punta kaw ce ciyang nang yeuh ku' kleuc' maee' suk'seun' nang yeuh ku' chak' na' ce, pe' ku na' ut' hk'a' ruim ce yeut reu'. ¹⁵ Kopti yeuh pe' moeng ce peue un' cang kuit ri nawk na' leukah' cumyen' ri yeuh ku' chak' na', htuk' a hpum' Eun Peucawo'. ¹⁶ A'yu im' seun' meuh pe' peue lawtpon na' reu'. Daecti pawlaee lo' hk'a' lawtpon pe' na' yeuh ku' rai na'. A'yu im' seun' meuh pe' mhai' Eun Peucawo' na' reu'. ¹⁷ Hkopyawm' ri peue gawm'euc' reu'. Leumeus' ec' awng' hk'a'naee Hkrit Eun na' ce reu'. Lhat'til ri Peucawo' Eun reu'. Hkopyawm' ri hkun'haw'hkam' na' ce reu'.

¹⁸ Mhai' na' pe', leuceng ri ti leukah' ce cawo' pe' na' hk'a'naee vang hkopyawm' ri reu'. A hkuin' kaw meuh leuceng cawo' hpum' chak' hpum' onawn' na' ce palkoe, daecti a ku kaw meuh leuceng cawo' rai na' ce yeut. ¹⁹ Kopti peue cang yeun'hkam ku' un' leupaws seumeu' na' ri kuit rot eun ri Peucawo' Eun na', meuh eun peue hk'o'suk'seun' nyawk'. ²⁰ Pe' lawn pun ri hkam' hk'a' klaee' peue ri kopti yeuh pe' ku' kleuc' na', pe' saec' na' yeun'hkam a, pe' ci' kaw kue' vang hk'o'suk'seun' yeuh sa'nhaw'? Daecti pe'

lawn hkam' ku' tukhka na' kopti yeuh pe' ku' chak' na' pe' yeun' hkam a ko', aen' meuh a ku' hk'o' suk' seun' nanggal' Eun Peucawo'.
21 Meuh a aen' ce hawc' ku' Peucawo' klawng Eun ri ti pe' na', kopti saec' meuh Hkrit Eun ku pun ri hkam' ku' tukhka na' pun pe'. Eun yeuh ri uin' ku' kaw pe' hot' ri yeuh na' hawc', hot' dak cung Eun na' heul' reu'.

22 "Eun hkuin' duing yeuh map'.

Leukah' chi'lai na' a hkuin' duing pucti lih hk'ai' moeng Eun."§

23 Yam lah' peue ku' un' nawpsang ri Heun na', Eun hkuin' yeuh ri top' a ri keunhaw'. Yam pun Eun ri hkam' ku' tukhka na', Eun hkuin' glhat' ce. Daecti Eun ap tu' ri na' ri Peucawo' Cawo' taws' a'mu leupaws seumeu' na' Eun. **24** Punta yeum e' hk'a' naee map' ri na' e' kaw pun ri a'yu im' pun hk'a' leupaws seumeu' na', Eun peus map' e' na' ri tu' ri na' pang kleum' rawng'tawp' na'. Kopti meuh a vang sui' Eun na', pe' pun ri bai' ri cuin hawc'. **25** Kopti seun' pe' kon'yung' veung rai' heul' na', daecti maet'maen' pe' keutah ing' rot ri Cawo' go' Cawo' roksa' civit pe' na' Eun hawc'.

3

Beun' maee' me

1 Seun' awn' na, beun' na' pe' yawm' ri leuceng leukah' ce me ri na' reu'. Punta me pe' na' ce ngon' ce saec' na' un' yum' leukah'

Eun Peucawo' na', daecti kopti meuh a ku' yeuh ka beun' eun na' a cang yeuh me na' eun plin' hpum' ri. Saec' na' un' lah' keunhaw' ri heun, ² yam nyu eun hk'a' seunga' chak' pe' na' maee' hk'a' lhat'til pe' ri Peucawo'. Eun vang a'yu im' pe' na', eun na' hpawt' ri yum'. ³ Pawlaee kah hpaw ngam pe' na' glih' ri yong' pe' hk'a' nok tu' ri na', u'hpama ri ko', glaing' huik' ri, cuip' hk'eung hk'il' hk'eung leumuil maee' cuip' hk'eung chak' ngam. ⁴ Daecti kah a glih' lih neum hk'a' naee tu' ri na'. Aen' na a meuh hpaw ngam un' cang cuit' ka hpum' onawn' cang ut' cumyen' na'. Hpum' yeuhki' na' a ngos heun' hk'a' naee sai' ngai' Eun Peucawo'. ⁵ Kopti ceu nang aen' ce beun' seunga' chak' leumah' ku' keutui' hpum' Peucawo' Eun na' tawn yeuh ce tu' ri na' hpaw ngam ri ka. Ce yawm' ri leuceng leukah' ce me ri na'. ⁶ Seun' Sara', leuceng ka leukah' eun Abraham, ka klawng eun meuh cawo'. Pe' lawn yeuh ku' chak' na' un' laee lhat' ri ku' rai keunhaw' na' ce ko', pe' ku meuh kon' lhan' ka Sara' yeut.

⁷ Seun' awn' na, me na' pe' ut' maee' beun' pe' na' ce hk'a' naee vang keue' nyu pe' ri ce na' reu'. Hkopyawm' ri ce kopti kawl' reng kloe ce hk'ai' pe' na' maee' meuh ce peue pun ri rap ri ti sin' a'yu im' lapsawng' mun' keuting lih neum Peucawo' Eun na' maee' pe' tiduih' na'. Pe' lawn yeuh keutit' ko', a hkuin' kaw laee kue' ku' ham' tap leukah' hk'o' mun' pe' na'.

Hkam' ku' tukhka kopti yeuh ku' chak'

⁸ Leukah' tisut' ka na', tang' hpum' pe' meuh ti meul' gawm' euc' ri, keue' nyu ri puri, yeuh ri kue' hpum' onawn' maee' hpum' nyom' jom na' reu'. ⁹ Pawlaee yeuh ri top' ku' rai na' ri ku' rai. Pawlaee top' peue is' pe' na' ce ri leukah' is', daecti pun aen' na nap mun' ri peue reu'. Kopti punta kaw pe' pun mun' meuh sin' ri pe' na', Peucawo' Eun klawng ri ti pe'.

¹⁰ Kopti,

a' nhaw' lawn leumeus' a'yu ri

maee' sum' nyu seunyi yam ren' kawn na'
ko',
eun kaw kah ri roksa' dak' ri na' un' va ri lah'
ku' rai na'
maee' roksa' hoeng' ri na' un' va ri lah'
leukah' chi'lai na'.

¹¹ Eun kaw kah ri keutah ri hk'ai' ku' rai na'
eun na' yeuh ku' chak' na',
maee' eun ku kaw kah ri sok ri hot' ri yeuh
hk'a' kuit nyawk' kuit sam' ran cumyen'
na' yeut.

¹² Kopti Peucawo' ko' Eun ri nawk peue leupaws
seumeu' na' ce ri ngai' ri na'.

Eun hpawt' ri leuceng seng' hk'o' mun' ce
na' ri yhuk' ri na'.
Daecti Eun hpawt' buh ri na' hk'ai' ce peue
yeuh ku' rai na', Eun ham'tap ce.*

¹³ Pe' lawn sae' caee' yeuh ku' chak' na' ko',
a' nhaw' ci' kaw cang ing' yeuh pe' sui' lu?

¹⁴ Daecti pe' lawn pun ri hkam' ku' tukhka na'

* 3:12 3:12 Suk'seun' 34:12-16

kopti yeuh pe' ku' cawp' na' ko', Peucawo' kaw Eun nap mun' ri pe'. Pawlaee lhat' ri ku' ghat' peue pe' na', pawlaee tok'seupa ri ka.[†]

15 Daecti sawn' Hkrit Eun meuh Peucawo' ri nang hpum' pe' na' reu'. Peue lawn mhaing' pe' a ci' meuh kop keunhaw' pe' vaee' kue' vang keutui' hpum' yeuhki' na' ko', pe' ci' kaw top' a ri peue gawm'euc' yeuh sa' nhaw' na', saec' meuh yamnhaw' rangraen ri uin' ri meulamlam reu'. Daecti top' a hk'a'naee vang hpum' onawn' hkopyawm' ri ri ce reu'.

16 Punta peue peusah' nyoe ku' chak' yeuh pe' hk'a'naee Hkrit Eun na' kaw ce kaic ri peusah' nyoe ce ri pe' na', roksa' hpum' cang yawng pe' na' seunga' reu'. **17** Kopti hk'a'naee vang cawp' alo Eun Peucawo' na' pe' lawn hkam' ku' tukhka na' kopti yeuh pe' ku' chak' na' ko', na' a chak' hk'ai' pun pe' ri hkam' ku' tukhka na' kopti yeuh pe' ku' rai na'. **18** Kopti Hkrit yeum Eun na' meuh a punta saic' Eun ri tec map' na' gawm'euc' ti pok a hk'o'. Aen' na ko', peue leupaws seumeu' na' Eun pun ri hkam' ri yeum tang' peue un' leupaws seumeu' na' ce punta kaw Eun va ce ing' ri Peucawo' Eun na'. Tu' Eun na' a saec' yeum, daecti Eun tang kuh' im' hk'a'naee Cit' seunga' na'. **19** Eun heul' sangsawn' leukah' mun' hk'a'naee Cit' seunga' na' ri cit' ku' pun ri hk'awng' ri na' ce yeut.

20 Cit' awn' ce meuh cit' ce peue leumah' ku' un' leuceng leukah' yam Peucawo' yeun'hkam ko' Eun ce hk'a'naee cu yam No'ah buih pleng'

[†] **3:14** 3:14 I'saya' 8:12

eun reu na'. Ku' Peucawo' teum' kawm Eun ce lawtpon hk'ai' leuum' na' nang reu na' ce hkuin' kue' a'neng, ce gup kue' yawo seudi' peue. ²¹ Leuum' aen' na seumeu' a ri lah' rap ri ti hk'a' cum' ku' teum' kawm pe' lawtpon maet' maen' na' yeut. Rap ri ti hk'a' cum' na' hpaw a ca' meuh ku' saic' hk'at maeo pit tu' e' na', daecti a meuh sa'hki' yeuh e' kati ri Peucawo' Eun ri roksa' e' hpum' cang yawng na'. Rap ri ti hk'a' cum' na' teum' kawm a pe' lawtpon ri Yesu' Hkrit tang kuh' im' Eun na'. ²² Eun huk' nang kuing' pang mao' hawc'. Maet' maen' mok' Eun hk'a' ti' a'tawm' Eun Peucawo'. In' hpom, cawo' kue' an' nya maeet' cawo' kue' ti'ca na' ut' ce hk'a' ruim ti'ca Eun na'.

4

A'yu im' pun Peucawo' Eun

¹ Kopti Hkrit pun Eun ri hkam' ku' tukhka ri tu' ri na' hawc' na', saec' meuh pe' ri, kah pe' kue' kamkuit seun' awn' na yeut reu'. Kopti peue pun ri hkam' ku' tukhka ri tu' ri na', kaw ce un' laee yeuh map' na' baee. ² Peue awn' ce, vang kaw ce suip ri a'yu im' pang bhen' keute' na', ce kaw un' laee a'yu im' hot' ku' ta'nhia' rai ce peue na', daecti ce kaw a'yu im' hot' alo Eun Peucawo' na'. ³ Kopti nanggal' aen' na, lo' pe' yam na' heul' heun' hawc' ri yeuh pe' seun' ku' peue un' yawng Peucawo' Eun na' leuk ce ri yeuh na'. Ceu nang aen' ce a meuh hk'a' hkuit' nawng' tang', hot' ri

yeuh alo hk'a' nham' keune, yuic' ri plai', nyui plai' yeuh pawe, hk'a lheu' lonpon, maeē' faee' ruphtu ku' hk'o' kleh' hk'o' keunah na'. ⁴ Kopti maet' maen', un' laee pawng' pa' pe' hk'a' naee vang hk'a lheu' lonpon ce na', ce am' ri pe'. Ce is' jha' pe'. ⁵ Daecti ce kaw kah ri top' leukah' mhaing' Eun Cawo' taws' a' mu ku' rangraen ri kaw taws' a' mu ri peue im' peue yeum na' ce hawc'. ⁶ Kop awn' na, leukah' mun' ren' kawn na' a ku pun ri sangsawn' ri ri peue yeum na' ce yeut. Punta hk'a' jawngkui' ce na' a saec' na' pun ri hkam' hk'a' taws' a' mu na' hot' kamkuit ce peue na' ko', daecti hk'a' civit ce na' a a'yu im' hot' alo Eun Peucawo' na'.

⁷ Yam tisut' ka ku ceu gawm' euc' na' kaw a hk'aws' rot hawc'. Kop awn' na punta kaw pe' cang hk'o' mun' na', yeuh ri pawn kui' pawn sati ri maeē' yeuh ri u' peung pe tu' ri na' reu'. ⁸ Lheu' awn' na, leumeus' puri ti peue hawc' ti peue sut' hpum' ri, kopti hk'a' leumeus' keus na' cang ghuim' ka map' heun' na' nyawk'. ⁹ Rap ri ti puri meulamlam ri, pawlaee vuinvaw. ¹⁰ Htuk' pe' ri yeuh mhai' peue ku peue ri hot' seun' lapsawng' pun pe' neum Peucawo' Eun na' reu'. Lapsawng' mun' Eun Peucawo' pun pe' heun' ceu na' sawn' a hkaem lo' a hk'a' naee vang kati keutawn' ri reu'. ¹¹ Punta Peucawo' kaw Eun pun munhpung' ri hk'a' naee ku ceu ri Yesu' Hkrit Eun na', a'nhaw' lawn kaw leukah' ko', eun htuk' ri lah' a seun' meuh eun peue lah' leukah' Eun Peucawo' na' ko'. A'nhaw' lawn kaw yeuh mhai' ko', eun htuk'

ri yeuh a hot' seun' kawl'reng Peucawo' tuil'
Eun na'. Kah munhpung' ti'ca na' kue' ri Heun
cot'cu ri reu'. Amin.

*Pun ri hkam' ku' tukhka kopti meuh kon'
Hkrit*

¹² A'mawo leumeus' ui' na' pe', ku' cop'long
sui' nyawk' pun pe' ri hkam' na' pawlaee am'
ri ka, pawlaee nyu a seun' meuh a ku' hk'o'am'
keut' kue' ri pe'. ¹³ Daecti punta kaw pe' pun
ri ren'kawn nyawk' yam munhpung' Eun Hkrit
na' puc a ri lih na', ren'kawn maee' pun pe'
ri hkam' ku' tukhka na' maee' Hkrit Eun reu',
¹⁴ Pe' lawn pun ri hkam' ku' un' nawpsang na'
kopti meuh a muis Eun Hkrit na' ko', pe' kaw
pun ri ren'kawn. Kopti Cit' seunga' munhpung'
keuting Eun Peucawo' na' ut' a maee' pe' na'.
¹⁵ Pe' lawn na' lhon' ri pun ri hkam' ku' tukhka
na' ko', pawlaee kah pe' pun ri hkam' a kopti
meuh a toh pe' peue, rabawk' peue, yeuh ku'
kleuc' ku' meul na' maee' eo' ri klawo' suksak
peue na' ce. ¹⁶ Daecti pe' lawn pun ri hkam' ku'
tukhka na' kopti meuh pe' kon' Hkrit na' ko',
pawlaee kaic, daecti kopti klawng peue pe' meuh
maee' muis Eun Hkrit na', suk'seun' Peucawo'
Eun reu'. ¹⁷ Kopti rot ka yam Peucawo' kaw Eun
tang' ri taws' a'mu ri peue nya peue hk'ul' ri
na' ce nanggal' hawc'. Eun kaw taws' a'mu ri
peue nya ri na' ce nanggal'. Hk'a' taws' a'mu
na' a lawn tang' ri taws' ri ri e' nanggal' ko',
a ci' na' pe yeuh sa'nhaw' ri peue un' yum'
leukah' mun' ren'kawn Eun Peucawo' na' ce?

18 "Peue leupaws seumeu' na' kaw ce pun hk'a'
htut lawtpon na' a lawn nyhap' ko',
peue un' leupaws seumeu' na' maeē' peue
map' na' a ci' na' yeuh sa'nhaw' ri ce?"*

19 Kop awn' na, peue pun ri hkam' ku' tukhka
hot' alo Eun Peucawo' na' ce htuk' ri ap civit ri
na' ri Peucawo' ri Cawo' hpanpleng' kue' kati
keutawn' na' Eun. Suip ri yeuh ku' chak' na'
reu'.

5

Nang kawt maeē' nang kawn' nhum'

1 Ro'kan nang kawt hk'a' naee muk na' pe',
meuh ui' nang kawt seun' pe' ri yeut, ui'
ku meuh sa'hki' ka Hkrit pun Eun ri hkam'
hk'a' tukhka na' ti peue yeut, ui' ku pawng'
hk'a' naee munhpung' kawn' kaw pucti lih Eun
Hkrit na' yeut. Ui' sum' hk'o' a ri pe' yeuh
keutit', 2 roksa' po' nawk kon'yung' Eun Peu-
cawo' ut' hk'a' ruim vang roksa' pe' na' ce
reu'. Pawlaee yeuh a kopti meuh a ku' htuk'
ri kaw yeuh, daecti sahpaw' ri yeuh a hot'
alo Eun Peucawo' Cawo' sum' kah Eun pe'
yeuh na' reu'. Pawlaee yeuh a maeē' sum'
pun ri leumuil, daecti peus hpum' ri yeuh a
reu'. 3 Pawlaee cu an'nya ri na' lo' a hk'a' pang
ce muk ap ri ri pe' na', daecti yeuh ri meuh
vang hot' rin ri ti ce muk kon'yung' na' reu'.
4 Yam Cawo' keuting go' kon'yung' na' puc

* 4:18 4:18 Leukah' rui' 11:31

Eun ri lih na', pe' na' pun cui'maw hk'il' kue'
munhpung' ku' un' cang lulaic na'.

⁵ Seun' awn' na, nang kawn' nhum' na' pe',
leuceng leukah' ce nang kawt na' reu'. Pe' ri
gawm'euc', tang' hpum' ri onawn' ri puri reu'.
Kopti,

"Peucawo' ham'tap Eun peue mhawng' ri
hk'o'cuin na' ce,
daecti Eun kaw nap mun' ri peue hpum'
onawn' na' ce."*

⁶ Kop awn' na, punta Peucawo' kaw Eun yuk
pe' huk' yam cawp' a yam ri na', pe' na' tang'
hpum' ri tem hk'a' ruim dak ti' ti'ca keuting Eun
na' reu'. ⁷ Kopti Peucawo' cang kuit nyhap'
hki'keung Eun pun pe' na', ap tuil' ku' kuit
nyhap' hki'keung pe' na' ri Heun gawm'euc'
ka reu'.

⁸ Yeuh ri u'peung pe tu' ri maee' yeuh ri pawn
kui' ri reu'. Kopti seuca' rai meuh ransu pe'
na' lomlom a pe' seun' leuvai sangsi' heul'
eo' ri sok sat' kaw ri kawk ri hk'a na' ko'.
⁹ Ham'tap seuca' rai na' reu'. Keutawn seupit
hk'a'naee hk'a' yum' na' reu'. Kopti saec'
meuh ec'awng' pe' ut' pang bhen' keute' na',
tup yawng pe' pun ce ri hkam' ku' tukhka seun'
aen' a yeut.

¹⁰ Hawc' ka yam pun pe' ri hkam' ku'
tukhka na' ti vut ti yam na', Peucawo' meuh
Cawo' mun' gawm'euc' ku' klawng pe' ing' ri
munhpung' cot'cu hk'a'naee Hkrit Eun na' Eun
kaw yeuh pe' htonnuk, kue' kawl'reng maee'

* ^{5:5} 5:5 Leukah' rui' 3:34

yeuh pe' keutawn' seupit. ¹¹ Kah ti'ca na' kue'
ri Heun cot'cu ri reu'. Amin.

Leukah' tisut'

¹² Tem' ui' ri tuil' htawm ton neng' aen' a ri
pe' hk'a' naee vang teum' kawm eun Silas' ku'
sawn' ui' eun meuh ec' awng' kati keutawn' ui'
na' eun. Ui' tem' ri kaw tuil' kawl'reng pe' ri
ka maeē' kaw a meuh sa'hki' ka ceu nang aen'
ce gawm' euc' meuh ka taengtaeng mun' sin'
Eun Peucawo' na'. Keutawn' seupit hk'a' naee
mun' sin' aen' a reu'.

¹³ Muk kon' Hkrit ut' nang veng Babu'lon[†] ku'
pun ri leuk ri ti ri seun' pe' ri na' ce ku tawm'
a, ce lah' ri leunyeng ri pe'. Maku' kon' me
ui' na' eun ku tawm' a eun lah' ri leunyeng ri
pe' yeut. ¹⁴ Yam hk'eup' puri na', gloh' ti' puri
hk'a' naee hk'a' leumeus'keus na' reu'. Kah
hk'a' kuit nyawk' kuit sam'ran cumyen' na'
kue' hk'a' naee peue ut' hk'a' naee Hkrit Eun
na' pe' ku peue ri.

[†] **5:13** 5:13 Veng aen' sum' lah' a ri veng Ro'ma na'.

Plang
The New Testament in the Blang language of
Myanmar

copyright © 2021 Wycliffe Bible Translators, Inc.

Language: Plang (Blang)

Contributor: Wycliffe Bible Translators, Inc.

All rights reserved.

2021-04-06

PDF generated using Haiola and XeLaTeX on 21 Feb 2024 from source
files dated 29 Jan 2022

0468b0b5-acb2-59c4-92d3-4fa09a4d091c